




Republika e Kosovës
Republika Kosova - Republic of Kosovo

ZYRA E RREGULLATORIT PËR ENERGJI
REGULATORNI URED ZA ENERGIJU
ENERGY REGULATORY OFFICE



Nr. 270/25
Data: 04.04.24

Prishtinë, 22 mars 2024
Kodi i ZRRE: V_1922_2024

Bordi i Zyrës së Rregullatorit të Energjisë,

Duke u bazuar në:

- Dispozitat e Nenit 9, paragrafi 1, nën paragrafi 1.7, Nenit 15 paragrafi 1 nënparagrafi 1.5, Nenit 25, Nenit 26 paragrafi 1, nën paragrafi 1.2, Nenit 46 paragrafi 1 nënparagrafi 1.1 Nenit 47 paragrafi 3 nënparagrafi 3.3 dhe Nenit 48 të Ligjit për Rregullatorin e Energjisë (Ligji Nr. 05/L-084);
- Dispozitat e Nenit 16 dhe Nenit 22 të Ligjit për Energjinë Elektrike (Ligji Nr. 05/L-085);
- Dispozitat ligjore të Rregullës Nr. 03/2017 për vendosjen e të hyrave të lejuara maksimale të Operatorit të Sistemit të Transmetimit dhe Tregut (Rregulla për Të Hyrat e OST/OT-së);
- Dispozitat e Rregullës Nr.10/2017 për Skemën Mbështetëse për Gjeneratorët e Burimeve të Ripërtëritshme të Energjisë;
- Njoftimin e ZRRE Nr. 566/23 Azhurnimet vjetore të të Hyrave dhe tarifave për OST/OT, OSSH dhe FSHU, të datës 12.12.2023; dhe
- Aplikacionin e Operatorit të Sistemit, Transmisionit dhe Tregut – OST/OT (KOSTT SH.A), Aplikimi për të Hyrat e Lejuara Maksimal për vitin 2024, të dorëzuar më datën 22 janar 2024,

në seancën e mbajtur më 22 mars 2024 nxori këtë:

V E N D I M

- I. APROVOHEN TË HYRAT E LEJUARA MAKSIMALE (në tekstin e mëtejshëm: HLM) që do të mblidhen nga Operatori i Sistemit, Transmisionit dhe Tregut – OST/OT (KOSTT SH.A.), për vitin relevant tarifor 2024.**
- II. Të Hyrat e Lejuara Maksimale që do të mblidhen nga OST/OT për vitin relevant tarifor 2024 janë gjithsejtë 78,764,846 €, prej të cilave Fondi i Burimeve të Ripërtëritshme përbën 17,449,826 €.**
- III. OBLIGOHET** - Operatori i Sistemit, Transmisionit/Operatori i Tregut (OST/OT) në përputhje me Metodologjinë e Përcaktimit Tarifave dhe Metodologjinë e Taksave të Kyçjes në Rrjetin e Transmetimit, që të përgatisë dhe dorëzojë për aprovim në ZRRE tarifat e Transmetimit, Operimin e Sistemit dhe Operimin e Tregut bazuar në HLM e OST/OT-së, si dhe tarifat për Fondin e Burimeve të Ripërtëritshme për Energji (BRE), sipas këtij Vendimi.
- IV. Ky vendim do të zbatohet nga Operatori i Sistemit, Transmisionit dhe Operatori i Tregut (OST/OT-KOSTT) duke filluar nga data 1 prill 2024.**

A R S Y E T I M



- Zyra e Rregullatorit për Energji (ZRRE) më datë 12 dhjetor 2023 ka iniciuar procesin: Azhurnimet Vjetore të të Hyrave dhe Tarifave për Operatorët e Rregulluar, duke përfshirë edhe Operatorin e Sistemit, Transmisionit dhe Operatorin e Tregut (OST/OT).
- ZRRE sipas njoftimit të saj ka vlerësuar se ky proces i azhurnimeve vjetore të të hyrave dhe tarifave për vitin relevant tarifor 2024, ka për qëllim për të vendosur të Hyrat e Lejuara Maksimale (HLM) të të Licencuarve OST/OT, për periudhën 1 prill 2024 deri më 31 mars 2025.
- Gjatë procesit të shqyrtimit të aplikacionit për të hyrat e lejuara maksimale, nëpërmjet korrespondencave të vazhdueshme, ZRRE ka kërkuar nga OST/OT sh.a. dhënien e informacionit, përditësimin e të dhënave, argumenteve dhe dokumentacionit justifikues lidhur me të gjitha çështjet e evidentuara në mënyrë që të kemi transparencë për marrjen e një vendimi të drejtë dhe me kosto reflektive të tarifave.
- ZRRE me datë 22 janar 2024 nga Operatori Sistemit, Transmetimit dhe Tregut – KOSTT SH.A ka pranuar aplikacionin për Hyrat e Lejuara Maksimale për vitin 2024.
- ZRRE pas vlerësimit fillestar të aplikacioneve me të dhënat e realizuara dhe parashikuara të treguesve teknik, ekonomik dhe financiar lidhur me të Hyrat e Lejuara Maksimale (MAR) për të licencuarin e Operatorit të Sistemit, të Transmetimit dhe Tregut (OST/OT), i licencuari dhe palët tjera të interesit kanë pasur mundësi t'i paraqesin komentet e tyre përmes konsultimit publik për periudhë dy javore.
- ZRRE më datë 6 shkurt 2024 ka publikuar Raportin Konsultativ Përshtatjet vjetore të Të Hyrave të Lejuara Maksimale për OST/OT, viti relevant tarifor 2024.
- Raporti konsultativ ka paraqitur propozimet e ZRRE-së, për HLM që do të mbulohen nga OST/OT gjatë vitit relevant tarifor 2024. Të Hyrat e Lejuara Maksimale të miratuara do të përcaktojnë tarifën për Shfrytëzimin e Sistemit të Transmetimit, Operimin e Sistemit dhe Operimin e Tregut, të cilat do të ju ngarkohen shfrytëzuesve të Sistemit të Transmetimit, Operatorit të Tregut. Raporti është vënë në diskutim publik me synimin që të marrë komentet e palëve të interesit për propozimet e ZRRE-së.
- ZRRE gjatë konsultimit publik ka pranuar komente nga palë të ndryshme të interesit ndaj Raportit Konsultativ lidhur me Përshtatjet vjetore të Të Hyrave të Lejuara Maksimale për OST/OT, dhe atë nga Korporata Energjetike e Kosovës (KEK), Instituti për Politika Zhvillimore (INDEP) dhe KOSTT.
- Operatori i Sistemit, Transmetimit dhe Tregut ka dorëzuar komentet me datë 21 shkurt 2024 ndaj Raportit Konsultativ për Përshtatjet Vjetore të Të Hyrave të Lejuara Maksimale për OST/OT.
- ZRRE po ashtu i ka analizuar edhe komentet e Korporatës Energjetike të Kosovës (KEK), Institutit për Politika Zhvillimore (INDEP) dhe OST/OT, ku pas analizimit dhe vlerësimit profesional ka paraqitur përgjigjet me shkrim të cilat i ka përfshirë në Raportin Përfundimtar.
- Raporti Përfundimtar i Shqyrtimit të Hyrave të Lejuara Maksimale për OST/OT, përfshinë edhe të dhënat e përditësuara nga OST/OT, dhe përgjigjet në komente e palëve të interesit për çështjet e ngritura.



- Vlen të theksohet që të Hyrat e Lejuara Maksimale për OST/OT-në do t'i nënshtrohen procesit të Përshtatjeve të Rregullta Vjetore, sipas Rregullës Nr. 03/2017 për Të Hyrat e OST/OT-së, të nxjerr nga ZRRE.
- Gjithashtu duhet të theksohet se kostot e përgjithshme të KOSTT për vitin 2024 para përshtatjes së kostove të Fondit të BRE-ve janë në vlerë prej 73,127,846 €, por pas përshtatjes për kostot e Fondit të BRE-ve në vlerën prej 5,637,784 € ato rezultojnë të jenë 78,764,846 €. Ngjashëm në vitet në vijim të periudhës rregullative kostot e fondit të BRE-ve do të përshtaten për të marrë parasysh dallimet ndërmjet parashikimit dhe realizimit.
- Bordi i ZRRE-së pas vlerësimit dhe analizimit të raporteve relevante dhe pas shqyrtimit të komenteve të pranuar nga palët, dhe duke u mbështetur në dispozitat ligjore të cekura në hyrje të këtij vendimi, ka vendosur si në dispozitiv të këtij vendimi.

V. Vendimi nxirret dhe publikohet në gjuhët zyrtare në Republikën e Kosovës.

VI. Vendimi hyn në fuqi në datën e miratimit nga Bordi i ZRRE-së, dhe i njëjti do të publikohet në ueb faqen zyrtare të ZRRE-së.

Këshillë juridike: Pala e pakënaqur me këtë vendim mund të inicioj konflikt administrativ në Gjykatën kompetente, brenda tridhjetë (30) ditëve, nga data e pranimit të vendimit ose data e publikimit të tij në faqen elektronike të ZRRE-së, cilado që ndodhet e fundit.

Bordi i ZRRE-së:

Ymer Fejzullahu, kryesues

Lutfije Dervishi, anëtare

Gani Buçaj, anëtar

Arta Isufi, anëtare

Adnan Preniqi, anëtar

Vendimi iu dërgohet:

- KOSTT,
- KEDS, dhe KESCO
- Arkivit të ZRRE-së.